



ЎЗБЕКИСТОН РЕСПУБЛИКАСИ
ДАВЛАТ БОЖХОНА ҚҮМИТАСИННИГ
ҚАРОРИ


Товарларни божхона кўздан кечируви ва божхона кўригидан ўтказиша ҳамда
намуна ва (ёки) синамалар олишда божхона тартиб-таомилларини амалга ошириш
тўғрисидаги йўриқномани тасдиқлаш ҳақида

Ўзбекистон Республикасининг Божхона кодекси ва Ўзбекистон Республикаси
Президентининг 2018 йил 24 ноябрдаги ПФ-5582-сон “Божхона маъмуриятчилигини
такомиллаштириш ва Ўзбекистон Республикаси давлат божхона хизмати органлари
фаолияти самарадорлигини ошириш бўйича қўшимча чора-тадбирлар тўғрисида”ги
Фармонига мувофиқ Ўзбекистон Республикаси Давлат божхона қўмитаси қарор қиласди:

1. Товарларни божхона кўздан кечируви ва божхона кўригидан ўтказиша ҳамда
намуна ва (ёки) синамалар олишда божхона тартиб-таомилларини амалга ошириш
тўғрисидаги йўриқнома иловага мувофиқ тасдиқлансан.
2. Мазкур қарор расмий эълон қилинган кундан эътиборан кучга киради.

Раис

М. Азимов


Тошкент ш.,
2019 йил “30” 04/12/2019
01-02/12-7-сон

Ўзбекистон Республикаси
Давлат божхона қўмитасининг
2019 йил 20 февралдаги
01-02/12-7-сон қарорига
ИЛОВА

**Товарларни божхона кўздан кечируви ва божхона кўригидан ўтказишда ҳамда намуна
ва (ёки) синамалар олишда божхона тартиб-таомилларини
амалга ошириш тўғрисидаги
ЙЎРИҚНОМА**

Мазкур Йўриқнома Ўзбекистон Республикасининг Божхона кодекси ва Ўзбекистон Республикаси Президентининг 2018 йил 24 ноябрдаги ПФ-5582-сон “Божхона маъмуриятчилигини такомиллаштириш ва Ўзбекистон Республикаси давлат божхона хизмати органлари фаолияти самарадорлигини ошириш бўйича кўшимча чора-тадбирлар тўғрисида”ги Фармонига мувофиқ божхона органининг мансабдор шахси томонидан товарларни кўздан кечируви, божхона кўригини амалга ошириш ҳамда намуна ва (ёки) синамалар олишда божхона тартиб-таомилларини амалга ошириш тартибини белгилайди.

1-боб. Умумий қоидалар

1. Ушбу Йўриқнома жисмоний шахсларнинг қўл юки ва кузатиб борилаётган багажига нисбатан татбиқ этилмайди.

2. Мазкур Йўриқномада куйидаги асосий тушунчалардан фойдаланилади:

божхона кўздан кечируви – божхона органининг мансабдор шахси томонидан транспорт воситаларининг бўлимларини, товарларнинг ўров-идишини очмаган, кўздан кечирилаётган обьектларни ва уларнинг қисмларини бўлакларга ажратмаган ва бошқа йўллар билан уларнинг бутлигини бузмаган ҳолда товарларнинг ва (ёки) транспорт воситаларининг, халқаро почта ва курьерлик жўнатмаларининг ҳамда жисмоний шахслар багажининг, шунингдек юк ортилган идишларни, контейнерларни, божхона идентификациялаш воситаларининг ташки кўринишини кўздан кечириш орқали амалга ошириладиган божхона назоратининг тури;

божхона кўриги – кўйилган пломбаларни, муҳрларни ёки божхона идентификацияшининг бошқа воситаларини бузган ҳолда, текширилаётган обьектларни ва уларнинг қисмларини бўлакларга ажратиб, демонтаж килиб ёки бошқа йўллар билан уларнинг бутлигини бузиб, товарларнинг ўрамини ёки транспорт воситасининг юк жойланадиган бўлимини ёхуд идишларини, контейнерларни ва товарлар бўлган ёки бўлиши эҳтимоли бўлган бошқа жойларни очиш орқали амалга ошириладиган божхона назоратининг шакли;

ваколатли шахс – товарнинг ва (ёки) транспорт воситасининг эгаси ёки товарга ва (ёки) транспорт воситасига нисбатан божхона тўғрисидаги қонун ҳужжатларига мувофиқ ваколатларга эга бўлган ёхуд товарнинг ва (ёки) транспорт воситасининг эгаси номидан тегишли шартнома ёки ишончнома асосида иш кўрувчи шахс;



декларант – товарларни ва (ёки) транспорт воситаларини ўз номидан декларацияловчи шахс ёхуд унинг номидан товарлар ва (ёки) транспорт воситалари декларациялангаётган шахс;

товарлар – божхона чегараси орқали олиб ўтиладиган ҳар кандай кўчар мол-мулк, шу жумладан Ўзбекистон Республикаси миллий валютаси, валюта бойликлари ва бошқа кимматли қоғозлар, электр, иссиқлик энергияси ва энергиянинг бошқа турлари, интеллектуал мулк обьектлари, транспорт воситаси, бундан Ўзбекистон Республикаси Божхона кодексининг 13-моддаси тўртинчи қисмida кўрсатилган транспорт воситаси мустасно;

товарни чиқариб юбориш – божхона органларининг божхона расмийлаштирувани якунловчи ва маълум қилинган божхона режими шартларидан келиб чиқсан ҳолда товарлардан фойдаланишга ва (ёки) уларни тасарруф этишга рухсат берилганлигини ифодаловчи ҳаракати;

хавф – божхона тўғрисидаги қонун ҳужжатларига риоя этилмаслиги эҳтимолининг даражаси;

хавфни бошқариш автоматлаштирилган тизими (бундан бўён матнда ХБАТ деб юритилади) – хавфни олдини олиш ёки уни имкон қадар камайтириш мақсадида товарлар тўғрисидаги маълумотларни таҳлил қилувчи, уларнинг аниқлилигига баҳо берувчи ҳамда ушбу маълумотларни қайта ишловчи электрон ахборот тизими.

хавф профили – хавф соҳаси, хавф индикаторлари тўғрисидаги маълумотлар йигиндиши, шунингдек хавфнинг олдини олиш ёки уни имкон қадар камайтириш бўйича зарур чораларни кўриш тўғрисидаги кўрсатмалар;

3. Божхона кўздан кечирави божхона назорати остидаги товарлар ва (ёки) транспорт воситалари тўғрисидаги маълумотларни, товарларда, юк ортилган идишларда, транспорт воситаларида ва транспорт воситаларининг бўлимларида пломбалар, муҳрлар ва бошқа божхона идентификациялаш воситалари мавжудлигини тасдиқлаш мақсадида амалга оширилади.

4. Ўзбекистон Республикаси Божхона кодексининг 195-моддасига мувофиқ божхона кўрги, қоида тариқасида, товарга божхона декларацияси қабул қилинганидан кейин декларант ҳозирлигига ўтказилади. Бунда товарга божхона декларацияси қабул қилингунига қадар божхона кўрги:

божхона мақсадларида товарни идентификациялаш;

баён этилган маълумотларнинг тўғрилигини аниқлаш;

божхона тўғрисидаги қонун ҳужжатларини бузганлик тўғрисидаги мавжуд ахборотни текшириш;

танлаб текшириш принципига риоя этган ҳолда хавфни бошқариш тизими асосида божхона назоратини ўтказиш;

ушбу Ўзбекистон Республикаси Божхона кодексининг 275-моддасига мувофиқ декларантнинг хукуқларини амалга ошириш зарур бўлган тақдирда ўтказилиши мумкин.

Товарларни тегишли божхона режимига жойлаштирилишида божхона кўрги божхона юк декларацияси тақдим қилинганидан сўнг амалга оширилади.

5. Товар ва транспорт воситаларини божхона расмийлаштирувидан ўтказиш ХБАТ томонидан белгиланган куйидаги йўлакларни кўллаш йўли билан амалга оширилади:

“сариқ йўлак” – божхона декларацияси, хужоатлар ва маълумотларни текшириш бўйича божхона назорати шакллари хавф даражаси ўрта кўрсаткичга эга ёки тасодифий танловда аниқланган товар ва транспорт воситаларига нисбатан амалга оширилади;

“қизил йўлак” – божхона назорати шакллари хавф даражаси юкори кўрсаткичга эга ёки тасодифий танловда аниқланган товар ва транспорт воситаларига нисбатан амалга оширилади;

“яшил йўлак” – хавф даражаси паст бўлган товар ва транспорт воситаларига нисбатан кўлланилади.

“кўк йўлак” – хавф даражаси ўрта кўрсаткичга эга ёки тасодифий танлов асосида аниқланган товарларга нисбатан кўлланилади. Бунда, божхона назорати шакллари товар ва транспорт воситалари чикариб юборилгандан сўнг амалга оширилади.

Божхона кўригидан факат “қизил йўлак” бўйича расмийлаштирилган товар ва транспорт воситалари ўтказилади.

Хавф даражаси ХБАТ томонидан ташки иқтисодий фаолият иштирокчиларини тоифаларга ажратиш, хавф профиллари ёки тасодифий танлов асосида аниқланади.

6. Божхона кўриги божхона органи мансабдор шахсининг билдиргиси асосида божхона пости бошлигининг ёзма рухсати билан амалга оширилади, бундан мазкур Йўриқноманинг 7-банди иккинчи ва бешинчи хатбошиси мустасно.

7. Божхона кўриги қўйидаги ҳолларда амалга оширилади:

божхона кўригини ўтказиш ХБАТ томонидан буюрилганда;

божхона органларига бошқа хукуқни муҳофаза қилиш органлари ёки давлат бошқаруви органларидан тушган материаллар, шунингдек хорижий давлатларнинг божхона ва бошқа давлат органлари ва ҳалқаро ташкилотлардан олинган маълумотлар мавжуд бўлганида;

божхона органининг мансабдор шахси томонидан Ўзбекистон Республикаси Божхона кодексининг 188-моддасида кўрсатилган божхона назоратининг бошқа шаклларини қўллаш натижасида божхона тўғрисидаги конун хужжатлари талабларини бузилганлик аломатлари мавжудлиги маълум бўлганида;

божхона назорати остидаги товарларни битта транспорт воситасидан бошқа транспорт воситасига ёки ушбу транспорт воситасига қайта юкланаётганда.

8. ХБАТда божхона кўригини амалга ошириш назарда тутилмаган ҳолларда божхона кўриги ўтказилса, ушбу кўрикни ўтказиш учун божхона пости бошлигининг ёзма рухсати (асосини кўрсатган ҳолда) ХБАТга киритилиши ҳамда белгиланган йўлак ўзgartирилиши лозим.

9. Божхона органининг мансабдор шахси божхона кўздан кечируви ва божхона кўригини ўтказишда иштирок этувчи шахсларнинг товар ва транспорт воситаларига нисбатан ваколатлилигини текширади.

2-боб. Божхона кўздан кечирувидан ўтказиш

21. Божхона чегараси орқали олиб ўтилаётган барча товар ва транспорт воситалари божхона кўздан кечирувидан ўтказилади.

Божхона кўздан кечируви ваколатли шахслар иштирокисиз ўтказилиши мумкин, бундан мазкур шахслар божхона кўздан кечируvida ҳозир бўлиш истагини билдирган ҳоллар мустасно.

22. Товарларни божхона кўздан кечирувидан ўтказишда зарур ҳолларда кўздан кечирилаётган товар ва (ёки) транспорт воситасининг ички таркибий тузилиши, ўзига хос

физик ва таркибий хусусиятлари ҳакида аниқ маълумотга эга бўлиш мақсадида божхона назорати техник воситаларидан (бундан буён матнда техник воситалар деб юритилади) фойдаланилиши мумкин.

3-боб. Божхона кўригидан ўтказиш ҳамда товарлардан намуна ва синамалар олиш

10. Божхона кўриги бошланишидан олдин божхона органининг мансабдор шахси электрон ёки ёзма равишда божхона кўриги ўтказиладиган жой ва вакт тўғрисида декларантга хабар беради.

Агар божхона кўриги учун тақдим қилинаётган товарлар маҳсус жиҳозланган жойларда, божхона омборлари ёки божхона назорати остида бўлса, божхона органининг мансабдор шахси божхона кўригини ўтказиш вақтини белгилайди.

11. Божхона органи мансабдор шахсларининг талабига кўра ваколатли шахслар товарларнинг ва транспорт воситаларининг божхона кўриги ўтказилаётганда ҳозир бўлиши ва уларга зарур кўмак кўрсатиши шарт.

Божхона органининг мансабдор шахси божхона кўригини Ўзбекистон Республикаси Божхона кодексининг 195-моддаси тўртинчи қисмида кўрсатилган ҳолларда декларант ёки ваколатли шахслар иштирокисиз, икки нафар холис ҳозирлигига ўтказишга ҳақли.

12. Олиб кириладиган товарларнинг божхона кўриги уч ой давомида божхона кўриги тартиб-таомили видеоёзуви сақланишини ва Ўзбекистон Республикаси Давлат божхона кўмитаси марказий аппаратининг уланишини таъминловчи видеокузатув тизими билан жиҳозланган жойлардагина амалга оширилади.

13. Божхона органининг мансабдор шахси товарларни божхона кўригидан контейнер ёки транспорт воситасининг маҳсус юк бўлинмасида ўтказиши мумкин, агар:

ХБАТ томонидан товарларни контейнер ёки транспорт воситасининг маҳсус юк бўлинмасидан тўлиқ тушириш орқали божхона кўригидан ўтказиш белгиланган бўлмаса;

бундай божхона кўриги товарларни йўқолиши ёки уларнинг ҳолатини ўзгаришига олиб келмаса.

Ўйилувчан, тўкилувчан ёки қуйилувчан ҳолда ортиладиган ва тушириладиган товарлар маҳсус жиҳозланган жойларда божхона кўригидан ўтказилади.

14. Божхона кўриги бошланиш вақти, божхона органининг мансабдор шахси товарлар ўрамини, транспорт воситалари ёки контейнерларни, юк жойлари ва юк сифимларини, товарлар жойлаштирилган ёки жойлаштириладиган бошқа жойларини кўздан кечириш хатти-ҳаракатларини бошлаган вақтидан ҳисобланади.

15. Божхона кўриги ўтказаётганида божхона органининг мансабдор шахси куйидагиларни амалга оширади:

а) божхона кўригидан ўтказилаётган барча номдаги товарлар партияси транспорт воситасидан тўлиқ тушириш назарда тутилган бўлса:

товарларни ўлчаш;

барча юк ўринларини очиб кўриш ва санаб чиқиш;

барча юк ўринларидағи товарлар сонини санаб чиқиш;

б) янги хавф ёки шубҳа ва гумон пайдо бўлган ҳолларда божхона кўригининг ҳажми оширилади;

в) тижорат хужжатларида товарлар ягона ўлчовда (дона, жуфт ва бошқа ўлчовда) кўрсатилган ва уларнинг умумий оғирлиги божхона тўлови суммасига таъсир этмаган ҳолларда ҳамда ХБАТда бошқа ҳолатлар кўрсатилмаган бўлса, божхона кўриги давомида товарлар ўлчанмайди;

г) товарларнинг сонини юк кузатув хужжатларида кўрсатилган маълумотлар билан таккослайди.

16. Божхона кўриги жараёни асосли сабабларга кўра тўхтатилганда (танаффус, иш вақтини тугаши ва бошқа ҳолатларда), божхона органининг мансабдор шахси товарларни ўзгартирилмаган ҳолда сақланишини таъминлашга қаратилган чора-тадбирларни амалга оширади, шу жумладан юк жойларига, транспорт воситаларига ёки товарлар турган бинога идентификациялаш воситаларини кўяди.

17. Божхона кўриги натижалари бўйича божхона кўриги далолатномаси расмийлаштирилади.

Божхона кўриги давомида товарларнинг амалдаги сони, хусусияти ва (ёки) товарлар ҳақидаги маълумотлар, божхона юк декларацияси ҳамда юк кузатув хужжатларида кўрсатилган маълумотларга мос келмаса, ушбу маълумотлар божхона кўриги далолатномасида акс эттирилади.

18. Божхона кўриги натижаларига кўра тафовут аниқланган тақдирда, божхона органининг мансабдор шахси томонидан қонун хужжатларида белгиланган тартибда тегишли чоралар кўлланилади.

19. Куйидагилар Ўзбекистон Республикаси Божхона кодексининг 189-моддасига мувофиқ божхона кўригидан ўтказилмайди:

Ўзбекистон Республикаси Президентининг ва Ўзбекистон Республикаси собиқ Президентининг шахсий багажи;

Ўзбекистон Республикаси Олий Мажлиси Сенати аъзоларининг ва Конунчилик палатаси депутатларининг, Ўзбекистон Республикаси Вазирлар Маҳкамаси аъзоларининг, Ўзбекистон Республикаси Олий Мажлисининг Инсон хукуқлари бўйича вакилининг (омбудсманнинг) ва Ўзбекистон Республикаси дипломатик паспортлари эгаларининг шахсий багажи, агар мазкур шахслар хизмат вазифаларини бажариши билан боғлиқ ҳолда божхона чегарасини кесиб ўтсалар;

қонун хужжатларида мувофиқ бошқа мансабдор шахсларнинг шахсий багажи;

чет эл ҳарбий кемалари, жанговар ва ҳарбий-транспорт ҳаво кемалари, шунингдек ўзи юриб келаётган ҳарбий техникаси.

20. Товарни хусусиятлари ҳақидаги маълумотлар етарли бўлмаган ва товарни идентификациялаш имконияти мавжуд бўлмаган ҳолларда, божхона органининг мансабдор шахси божхона экспертизасини тайинлаб, товарлардан намуна ва (ёки) синамалар олади.

Товарлардан намуна ва (ёки) синамалар олиш Ўзбекистон Республикаси божхона чегарасидан ўтказилаётган товарларнинг намуналарини ва нусхаларини божхона органлари тизимида тасарруф этиш тартиби тўғрисидаги йўриқномага (рўйхат раками 1269, 2003 йил 29 август) мувофиқ амалга оширилади.

4-боб. Товарларни қайта, қўшимча ҳамда товарлар чиқариб юборилганидан кейинги божхона кўригидан ўтказиш

23. Қайта божхона кўригини ўтказиш учун қуидагилардан бири асос бўлади:

товарлар божхона назорати остида бўлганда декларантнинг асослантирилган ёзма талабига асосан божхона пости бошлигининг рухсати;

божхона органлари, хукукни муҳофаза қилувчи органлар ҳамда хорижий давлатлар ёки халқаро ташкилотлардан олинган тезкор-қидирув натижалари ва маълумотлари. Бунда божхона органи бошқарма бошлигининг рухсати талаб қилинади.

Қайта божхона кўриги мазкур Йўриқномада белгиланган тартибда кисман ёки тўлик ўтказилади.

24. Қўшимча божхона кўригини ўтказиш учун қуидагилардан бири асос бўлади:

ваколатли шахс кўрикдан ўтказиш натижалари товарнинг бутун туркумiga татбиқ этилиши мумкин эмас деб хисобласа, товар туркумининг қолган қисми учун унинг ёзма талабига асосан божхона пости бошлигининг рухсати;

божхона кўригини амалга ошириш жараёнida божхона органининг мансабдор шахсида божхона тўғрисидаги қонун хужоатлари талабарининг бузилиши мумкинлиги ҳақидаги асосли шубҳа ва гумон пайдо бўлганда божхона органи мансабдор шахсининг билдиргисига асосан божхона пости бошлигининг рухсати.

25. Божхона органлари товарлар чиқариб юборилганидан кейин, башарти божхона тўғрисидаги қонун хужоатлари бузилган деб тахмин қилиш учун етарли ва тасдиқланган асослар мавжуд бўлса, божхона кўригини амалга оширишга ҳақли.

Бундай маълумотлар божхона органлари томонидан ўтказилган тезкор-қидирув фаолияти натижасида божхона мақсадлари учун статистик маълумотлар, божхона юк декларацияси ва бошқа хужжатлар таҳлили, шахсларнинг хабарнома ва аризалари, чет эл давлатлари, халқаро ташкилотларнинг тегишли органлари ҳамда оммавий ахборот воситаларидан олиниши мумкин.

5-боб. Божхона кўриги жараёнida техник ходимлар, хизмат итлари ва техник воситалардан фойдаланиш

26. Божхона кўриги самарадорлигини ошириш ҳамда товарлар ҳақидаги маълумотларни (уларнинг сони, таркиби, физик ва кимёвий хоссалари, асллилиги, махфий жойларнинг борлиги) аниқлаш мақсадида техник воситаларидан фойдаланилади.

27. Божхона органининг мансабдор шахси техник воситаларни кўллаш жараёнida шахсий хавфсизликка, инсонлар хаёти ва соғлиғига, атроф мухит ҳамда товар ва транспорт воситаларига зарар етказмаслик чораларини кўриши лозим.

28. Божхона кўриги амалга оширилишида юкни тушириш ва ортиш ҳамда божхона кўригини амалга ошириш билан боғлиқ бўлган бошқа вазифаларни амалга оширувчи техник ходимлар иштирок этиши мумкин.

29. Ўзбекистон Республикаси худудига олиб кирилиши ва Ўзбекистон Республикаси худудидан ташқарига олиб чиқилиши тақиқланган товарларни аниқлаш мақсадида божхона кўриги зарур ҳолларда хизмат итларидан фойдаланган ҳолда ўтказилиши мумкин.

6-боб. Декларант томонидан товарларни кўздан кечируви

30. Декларант божхона декларацияси ва божхона мақсадлари учун зарур бошқа хужжатлар берилгунга қадар товарларни божхона назорати остида кўздан кечириш ҳамда ўлчаш, уларнинг намуналари ва нусхаларини олиш хукукига эга.

31. Товарларнинг декларант томонидан кўздан кечируви, декларантнинг божхона органига ёзма мурожаатномасига асосан факат божхона омбори ҳудудида амалга оширилади. Декларантнинг ёзма мурожаатномаси, божхона органининг электрон маълумотлар тизимида рўйхатта олинади.

32. Декларант томонидан товарларни кўздан кечируви божхона юк декларацияси берилгунга қадар ўтказилиши мумкин. Бунда божхона органининг мансабдор шахси кўйидагиларни аниклаши лозим:

кўздан кечиришни амалга ошираётган шахснинг товарларга нисбатан ваколатлилигини;

транспорт воситаларини ташки тарафдан кўздан кечириш орқали зиён етказилмаганлигини ҳамда божхона идентификациялаш воситаларини бузилиши орқали товарларни йўқолиш эҳтимоллари мавжудлигини;

божхона идентификациялаш воситалари мавжудлиги ҳамда уларга шикаст етказилмаганлигини.

33. Декларант товарларни ўлчаш, улардан намуна ва (ёки) синамалар олиш хукукига эга.

34. Декларант томонидан товарлардан намуна ва (ёки) синамалар олинганлиги тўғрисида маълумот божхона юк декларациясида кўрсатилади, шунингдек олинаётган намуна ва (ёки) синамалар учун алоҳида божхона декларацияси берилмайди.

35. Декларант божхона юк декларацияси берилгунга қадар амалга оширган кўздан кечируви тўғрисида товарларга илова қилинадиган хужжатларга белги қўяди (декларантнинг Ф.И.О., кўздан кечирган санаси ва вақти, аниқланган тафовут (мавжуд бўлса)) ва имзоси билан тасдиқлайди.

7-боб. Божхона кўриги далолатномасини расмийлаштириш

36. Божхона кўриги далолатномаси Ўзбекистон Республикаси Давлат божхона кўмитасининг ахборот тизимида мазкур Йўриқноманинг иловасига мувофиқ шаклда электрон тарзда расмийлаштирилади.

Божхона кўригини ўтказиш жараёнида божхона тўғрисидаги конун хужжатлари талаблари бўзилганлик ҳолатлари аниқланганда божхона кўриги далолатномаси А4 форматли оқ қоғозга чоп этилади ҳамда кўрикда иштирок этган барча шахслар томонидан имзоланади.

37. Божхона кўриги далолатномасининг нусхаси декларантнинг талабига асосан А4 форматли оқ қоғозга чоп этилиб, божхона кўригини амалга оширган божхона органи мансабдор шахсининг имзоси ҳамда шахсий муҳри билан тасдиқланган ҳолда берилади.

Божхона кўриги далолатномасига қўйидагилар илова қилинади:

товарлар ўрамида мавжуд бўлган белги намуналари, тамғалар, ёрликлар ва бошқа товарларни идентификациялаш воситалари (мавжуд бўлса);

божхона кўригига қатнашган ёки иштирок этган мутахассисларни ваколатларини тасдиқловчи хужжатларнинг нусхаси (улар кўрикда иштирок этишга жалб қилинса);

божхона органининг мансабдор шахсидан ташқари божхона кўригига қатнашган шахсларнинг шахсини тасдиқловчи хужжатлари нусхалари.

Божхона кўриги далолатномасига илова қилинган маълумотлар божхона кўриги далолатномасининг ажралмас қисми ҳисобланади.

38. Божхона кўриги далолатномаси уч йил мобайнида сақланади. Божхона кўриги далолатномасини сақлаш муддати расмийлаштирилган йилдан кейинги йилдан ҳисобланади.

8-боб. Якуний қоидалар

39. Товарларни кўриқдан ўтказаётган шахслар учун маълум бўлган маълумотлар тижорат сири ҳисобланиб, ушбу маълумотлар фақатгина белгиланган (алоқадор) шахсларгагина ошкор этилиши лозим.

40. Ушбу Йўриқнома талабларининг бузилишида айбдор бўлган шахслар қонун хужжатларида белгиланган тартибда жавобгар бўлади.

41. Мазкур Йўриқнома Ўзбекистон Республикаси Савдо-саноат палатаси билан келишилган.

Ўзбекистон Республикаси
Савдо-саноат палатаси раиси

2019 йил ____ февраль



А. Икрамов



Товарларни божхона кўздан кечируви ва божхона
кўригидан ўтказишда ҳамда намуна ва (ёки)
синамалар олишда божхона тартиб-таомилларини
амалга ошириш тўғрисидаги йўриқномага
ИЛОВА

Божхона кўриги далолатномаси _____ / _____ / _____ -сон

Давлат божхона қўмитасининг ҳудудий боқармаси _____

Божхона кўриги ўтказилишига асослар: _____ (хавф профили, бошқалар (кўрсатилсан))

Кўрик бошланган вакт: _____ соат, _____ дақиқа, “_____” 20 ____ йил

Мазкур далолатнома _____ иштирокида тузилди
(божхона ходими)

Божхона кўриги ўтказилди:

- [] божхона кўриги
- [] товарлар чиқарилгандан сўнг божхона кўриги
- [] кайта божхона кўриги
- [] кўшимча божхона кўриги

Юк ва (ёки) транспорт воситасига илова қилинган хужжат: _____

Кўрик ўтказилган жой: _____

Божхона идентификациялаш воситалари олиб ташланди: _____

Божхона идентификациялаш воситалари: [] бузилган [] бузилмаган.

Товар тақдим этилди: _____ бир ёки бир неча турдаги
(сонини кўрсатин)

Товар кўрилди _____
(номини кўрсатин)

Товар тўғрисидаги маълумот: _____, _____
(номи) (сони)

Тақдим қилинган хужжатларга кўра, брутто-вазни: _____ кг.
нетто-вазни: _____ кг.

Кўрик натижаларига кўра қуидагилар аниқланди:

Товарнинг умумий брутто-вазни: _____ кг., нетто-вазни: _____ кг.

Товарнинг вазни қуидаги йўллар билан аниқланди:

- [] аслида ўлчаш
- [] ўрамнинг (кути, қоп ва бошқалар) умумий оғирлигини аниқлаш:
- [] хисоб-китоб
- [] турли хилда

транспорт воситасининг давлат рақами _____
(автотранспорт, вагон, контейнер, авиарейс)

Кўрикдан ўтказилган товар декларацияланган товарга мос келади _____
(ҳа ёки йўқ)

Кўрикдан ўтказилган товар декларация қилинган товарнинг таърифига мос келмайди:

Г
DAN
LDI
JRL

Кўрикда фойдаланилган божхона назоратининг техник воситалари

- рентген курилмаси;
- металл детектор (станцион, портатив)
- хужжатлар, валюта ва қимматли қоғозларни идентификациялаш воситаси
- қимматбаҳо металлар ва қимматбаҳо тошларни идентификациялаш воситаси
- наркотик воситаларни масофадан аниқлаш ва идентификациялаш воситаси
- дозиметрик назорат воситаси
- фото-_____, аудио-_____ видеотехника-_____ ва бошқа аппаратлар
- турли асбоблар йигими
- кўрик божхона назоратининг техник воситаларидан фойдаланилмасдан ўтказилди.

Намуна ва (ёки) синамалар олиш амалга оширилди: _____

(божхона индентификациялаш учун қўйилган воситалардан олинган намуналар ва уларнинг сони)

Куйидаги қонунбузарликлар аниқланди: _____

Кўрикдан сўнг куйидаги божхона идентификациялаш воситалари қўйилди: _____

Кўрик тугатилган вақт: _____ соат, _____ дақика, “_____” 20 ____ йил

Божхона органи ходими _____

(фамилияси, исми, шарифи ва шахсий муҳри)

қўшимча вараклар сони _____

Кўрикда иштирок этган шахслар:

исми,фамилияси

имзо

исми,фамилияси

имзо

исми,фамилияси

имзо